



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

Komunikadu Imprensa
Juridiksaun Tribunál Distritál Baucau
20 Feveireiru 2018

JSMP realize treinamentu ho alvu ba grupu minoritáriu sira hanesan Lesbian, Gay, Transgender & Bisexual (LGBT) no Xefe Suku ho nia estrutura no membru comunidade iha Jurisdisaun Tribunál Distritál Baucau (TDB)

Iha 7, 13 no 16 Feveireiru 2018, JSMP liu hosi Unidade Treinamentu no Advokasia (UTA) realiza treinamentu ba Grupu Lesbian, Gay, Transgender & Bisexual (LGTB), ho alvu ba estrutura suku sira no membru comunidade balun iha Munisípiu Baucau, Viqueque no Lautem ne'ebé partense iha Jurisdisaun Tribunál Baucau nian.

Iha 7 Feveireiru 2018, JSMP realiza treinamentu iha Munisípiu Baucau ba Grupu LGBT. Partisipante hamutuk ema na'in 27 ne'ebé kompostu hosi fetu na'in 11 (lesbian) no mane 16 (Gay & Bisexual).

Iha 13 Feveireiru 2018, JSMP realiza treinamentu ba xefe suku ho nia estrutura suku, inklui membru comunidade balun iha Suku Builale, Postu Administrativu Ossu, Munisípiu Viqueque. Partisipante hamutuk ema na'in 30 ne'ebé kompostu hosi fetu na'in 11 no mane na'in 19.

Iha 16 Feveireiru 2018, JSMP realiza treinamentu iha Suku Lakawa, Postu Administrativu Luro, Munisípiu Lautem ba xefe suku ho nia estrutura sira no membru comunidade balun. Partisipante hamutuk ema na'in 30 ne'ebé kompostu hosi mane na'in 11 no fetu na'in 19.

Objetivu hosi treinamentu ne'e atu hasa'e koñesimentu Grupu LGTB no lideransa komunitária sira nian nomós membru comunidade sira balun kona-ba demokrásia, direitu umanu, knaar órgaun soberanu, partisipasaun públiku iha prosesu halo lei no asesu ba justisa formál.

Partisipante hatudu sira nia vontade forte atu aprende iha treinamentu ne'e no apresia tebes materia sira ne'ebé JSMP fornese ne'e. Iha treinamentu sira ne'e, JSMP mós divulga informasaun kona-ba kazu sivíl hanesan divórsiu, responsabilidade ba alimentasaun, disputa rai no oinsa bele hetan asisténsia iha asesu ba justisa formál.

Rua Beco Lakateu, Aldeia Manu fuik, Suku Colmera, Administrativu Vera Cruz

Dili Timor Leste

PoBox: 275 Telephone: 3323883 | 77295795

www.jsmp.tl info@jsmp.tl

Facebook: www.facebook.com/timorleste.jsmp

Twitter: @JSMPtl

“Grupú LGTB nu’udar grupú minoria ida-ne’ebé sei hetan diskriminasaun maka’as no marjinalizadu iha komúndade timor-oan nia leet. Tanba ne’e, importante atu bele fahe informasaun relevante sira kona-ba direitu sivíl no polítiku nomós asesu ba justisa formal iha Estau Direitu Demokrátiku ne’ebé foin hari’i hanesan Timor-Leste ne’e, liu-liu atu asegura katak grupú hirak ne’e iha direitu hanesan mós sidadaun sira seluk, sein diskriminasaun”, dehan Diretór Ezekutivu JSMP, Luis Oliveira Sampaio.

‘Treinamentu ba Xefe Suku ho nia estrutura suku sira mós importante tebes atu bele hasa’e sira-nia koñesimentu atu bele hatene oinsa atende sira nia komúndade ne’ebé envolve iha kazu ruma atu prosesu tuir mekanizmu justisa formál, liu-liu oinsa atu atende no trata grupú LGBT sira iha maneira ida-ne’ebé hanesan iha lei nia oin’, nia hatutan.

Partisipante sira dehan katak treinamentu ne’e diak teb-tebes ba sira tanba sira bele hatene ona sira nia direitu sira no onisa bele procesa sira-nia kazu ba iha tribunál kuandu ema ruma viola sira nia direitu. Aleinde ne’e, xefe suku sira mós apresia no agradese ba JSMP tanba treinamentu ho materia hanesan ne’e foin primeravés realiza iha sira-nia suku.

Enkuantu partisipantes sira hosi grupú LGBT dehan katak durante ne’e sira hetan defamasaun, presaun no violasaun oioin sira seluk iha komúndade maibé sira la hato’o keixa tanba sira la hatene nia dalan no la hatene kona-ba sira nia-direitu nu’udar sidadaun iha nasaun direitu demokrátiku ida hanesan Timor-Leste. Ho treinamentu ne’e, sira iha ona koñesimentu bazíku kona-ba sistema justisa formál nia papel no fúnsionamentu regulár sira.

JSMP observa katak iha treinamentu sira ne’e, partisipante hotu iha interese boot hodi rona nodiskute bainhira fasilidádór sira apresenta materia, ne’e hatudu katak partisipante sira konsidera informasaun hirak ne’e importante tebes ba sira.

Treinamentu ne’e, realiza tanba hetan apoia finanseiru hosi DFAT.

Atu hetan informasaun liutan favor kontaktu direitamente:

Luis de Oliveira Sampaio
Diretór Ezekutivu JSMP
Diresaun e-mail: luis@jsmp.tl
Telefone: 3323883 | 77295795